

УКАЗЪ ВСѢМЪ

во флотѣ российскомъ
обрѣтающимся.

Вышнимъ и нижнимъ
Служителямъ,

ПРАВОСЛАВНЫЯ
КАТОЛІЧЕСКІЯ ВѢРЫ.

Кѣмъ образомъ, и въ которое
время по вся дни должны прино-
сить Господу Богу моленія.

А которыя иныхъ законовъ въ слу-
жбѣ обрѣтаются, тѣ по своимъ
уставамъ, однакожъ въ тожъ
время.



О утру, когда зорю
станутъ бить, тогда
всѣмъ салдапомъ
стать въ ружье, такъ
же и сфѣцбромъ предъ
ними сообнаженными
шпагами. а когда пробьютъ и
станутъ бить на молитву трѣж-
ды, и по скончаніи трешѣяго бою,
другъ всѣмъ снять шляпы,
а и нахло-

и наклонѣвъ ружье, такъ же и самѣмъ наклонясь молишца.

И чѣшашь МОЛІТВУ сѣю.

Господи Іисусе хрісте, Боже спасітелю мой, ты реклъ еси пречістыми твоими устны: яко безъ мене не можете творити нічтоже. Господи Боже мой, вѣрою объемъ, душею моею и сердцемъ, шобою реченная, прѣпадаю твоей благости: помози ми грѣшному, начѣнаемое мною дѣло, о тебѣ самомъ и совершити. Яко ты еси всѣхъ благъ податель и помощникъ, и тебѣ славу возсылаемъ, оо безначальнымъ твоимъ отцемъ, и пресвятымъ и благимъ, и животворящимъ твоимъ духомъ, нынѣ и прісно и во вѣки вѣковъ, амѣнь.

Таже Отче нашъ: и Богородице дѣво радуѣся. А потомъ всклонясь, ружье велѣтъ положить: сѣмъ же образомъ и въ вечеру дѣлають, по пробітій шапты.

А въ

А въ девятомъ часу предъ полу-
днемъ чѣнѣть моленіе по сему.

Начало по обычаю отъ священ-
ника, не прѣсудствующу же свя-
щеннику, начѣнасть чтець:

Молѣтвами свящыхъ отцевъ
нашихъ: и Трїсвятосъ, По отче
нашъ: Господи помѣлуй 12.
Слава и нынѣ: Прїидите покло-
нимся: И псаломъ 50. Помѣлуй мя
боже: Таже новоѣзбранныя псалмы,

Новоѣзбранныи псаломъ 1.

Господь пасетъ мя, и ничтоже
мѣ лишѣтъ. На мѣстѣ зла-
чѣнѣ, тамо всели мя. на водѣ
покоѣнѣ воспѣта мя: Душу мою
обрати, настави мя на стези
правды, имене ради своего. Путь
твой господи скажи ми, и спе-
зѣмъ твоѣмъ научи мя. Въ мори
путь твои, и спеси твои въ во-
дахъ многѣхъ. Духомъ бурнымъ,
сокрушиши корабли вавилонскія.
Тамо сокруши крѣпости луковъ,
А 2. оружіе,

оружіе, и мечъ, и брань. Спаси мя
 отъ брѣніа да не углѣбну, да изба-
 влюся отъ неназидящихъ мя, и
 отъ глубокѣхъ водъ. Да не пото-
 пѣтъ мене буря водная, нѣже да
 пожретъ мене глубина, нѣже свес-
 дѣтъ о мнѣ ровеннікъ устъ сво-
 ихъ. Услыши господи гласъ моле-
 нія моего, внемди молющійся къ
 тебѣ, внемди воздѣти ми руцѣ мои
 къ храму святому швоему. не прѣ-
 влещи мене со грѣшніки, и съдѣла-
 ющїи неправду не погуби мене:
 глаголющими миръ съ ближними
 своїми, злая же въ сердцахъ своихъ.
 даждь имъ господи подѣломъ ихъ,
 и по лукавству начинанїи ихъ.
 подѣломъ руку ихъ даждь имъ,
 воздаждь воздаяніе ихъ имъ, яко
 не разумѣша въ дѣла господня, и
 въ дѣла руку его, разорѣши я,
 и не созиждещи я. Благословенъ
 господь, яко услыша гласъ
 моленія моего. Господь помощ-
 нікъ мѣи и зашїишеть мои,
 на

на него упова сердце мое, и по-
може ми. и процвѣте плоть моя,
и волю мою исповѣмся ему,
Господь утвержденеіе людей своихъ
и зацѣлитель спасеніи хрїста
своего естъ. спаси люди твоя
и благослови достояніе твое
и упаси я, и возми я до вѣка.

ПСАЛОМЪ избранныи 2.

Вознесу тя господи, яко под-
ялъ мя еси, и не возвеселѣлъ
еси враговъ моихъ о мнѣ. Гос-
поди боже мой, возвахъ къ тебѣ,
и исцѣлѣлъ мя еси. Господи,
возвелъ еси отъ ада душу мою,
спаслъ мя еси отъ нѣходящихъ
въ ровъ. Пойте господеви препо-
добнѣи его, и исповѣдайте память
святыни его. Яко богъ судїя
естъ: сего смѣряетъ, и сего воз-
носїтъ. Азъ же возрадуюся во
вѣкъ, воспую богу ѱакову: и вса
роги грѣшныхъ сломлю, и воз-
несется рогъ праведнаго.

псаломъ избранныи 3.

Благословенъ господь богъ
 мой, научаяи руцѣ мои на
 ополченіе, персты моя на
 брань. мѣлость моя и прѣбѣжще
 мое, заступникъ мой и избави-
 тель мой, защититель мой, и
 на него уповахъ: повиную люди
 моя подъ мя. Господи настави
 мя правдою твоею, врагъ моихъ
 ради исправи предъ тобою путь
 мой. Аще ополчѣтся на мя полкъ,
 не убоится сердце мое. Аще
 восстанѣтъ на мя брань, на него
 азъ уповаю. Яко скрѣмя въ селе-
 нїи своемъ, въ день золь моихъ
 покрѣмя въ тайнѣ селенїя сво-
 его. на камень вознесе мя: и
 нынѣ се вознесе главу мою на
 враги моя. обыдохъ и пожрохъ
 въ селенїи его жертву хваленїя
 и восклицанїя, пою и воспою
 господевѣ. яко умножилъ еси
 мѣлость твою боже, сынове же
 человѣче-

человѣчестїи въ кровѣ крїлу
твоею надѣлїся имуть. упїю-
тїся отъ туча дому твоего, и
попокомъ сладости твоея на-
поїши я, яко у тебе источникъ
жївота, во свѣтѣ, твоємъ узрїмъ
свѣтъ, пробави мїлость твою
вѣдущымъ тїя: и правду твою
правымъ сердцемъ. да не прїидетъ
мнѣ нога гордыни: и рука грѣш-
нїча да не подвїжїтъ мене. тамо
падоша вси дѣлающїи беззаконїе:
изрїновени быша, и не возмогутъ
спастї.

ПСАЛОМЪ 4.

Господи не вознесеса сердце
мое, нїже вознесостїся очи
мои, нїже ходїхъ въ велїкїхъ,
нїже въ дївныхъ паче мене. Аще
не смїренному дрствовахъ; но воз-
несохъ душу мою. яко отхосное
на мать свою; тако воздаси
на душу мою. Да уповасть
А 4 їисраїль

Израїль на господа отъ нынѣ и
до вѣка.

Слава и нынѣ, Аллїлуїа, Аллїлуїа,
Аллїлуїа. Слава тебѣ Боже.
прѣжды.

МОЛІТВА I.

Господи щедрый и мїлостївыи,
долготерпѣливъ и многомїло-
стїве, вниши молїтву нашу,
и вонми гласу моленїя нашего.
сотвори съ нами знаменїе во
благо, настави насъ на путь
твой, еже ходїти во истїннѣ
твоемъ. возвесели сердца наша,
во еже боятїся имени твоего
свѣтаго. зане велїи еси ты, и
твориши чудеса, ты еси богъ
едїнъ, и нѣсть подобенъ тебѣ
въ божѣхъ господи. сіленъ въ мї-
лости и благъ въ крѣпости, во-
еже помогати и утѣшати и спа-
сати вся уповающыя во имя свя-
тое твое: Яко подобаетъ тебѣ
всякая слава, честь и поклоненїе
отцу,

отцу , и сыну , и святому духу ,
нынѣ и прѣсно , и во вѣки вѣковъ ,
Амѣнь.

МОЛІТВА 2.

Господи боже нашъ , помани
насъ грѣшныхъ и неспотребныхъ
рабъ твоихъ , всегда
прѣзывать намъ святое имя твое .
и не посрами насъ отчаяніемъ
милости твоея . но даруй намъ
господи вся яже ко спасенію про-
шенія . и сподоби насъ любіти
и боятися тебе отъ всего сердца
нашего , и творѣши во всемъ
волю твою . яко благъ и чело-
вѣколюбецъ богъ еси , и тебѣ
славу возсылаемъ , отцу и сыну ,
и святому духу , нынѣ и прѣсно
и во вѣки вѣковъ , амѣнь .

МОЛІТВА 3.

Многомилостиве и всемло-
стиве боже мой ; господи
исусе хрѣсте . многѣ
ради

ради любви сшелъ и воплотился
 еси, яко да спасеши всѣхъ.
 И пакы спасе, спаси мя по благо-
 дади, молю тя. Аще бо отъ
 дѣлъ спасеши мя, нѣсть со
 благодать и даръ, но долгъ паче-
 си многи въ щедротахъ, и не-
 изреченны въ мѣлости. Вѣруя
 бо въ мя рекъ еси: О христе
 мой, живъ будешь и не узрѣшь
 смерти во вѣки. Аще убо вѣра,
 яже въ тя, спасаетъ отчаянныя,
 есѣ вѣрую, спаси мя яко богъ мой
 еси ты и создатель. Вѣра же
 вмѣсто дѣлъ да вмѣнится мнѣ.
 Боже мой, не выщеси дѣлъ
 ошнудъ оправдающихъ мя. Но та
 вѣра моя да довлѣетъ вмѣсто
 всѣхъ, та да отвѣщаетъ, та
 да оправдѣтъ мя, та да пока-
 жетъ мя прѣчастника славы твоея
 вѣчныя. да не убо похѣтитъ мя
 сатана, и похвалѣтся слово, еже
 ошторгнути мя отъ твоея руки
 и ограда. Но или хочу, спаси
 мя.

мѣ: или не хочу, хрїсте спасе
 мой, предвари скоро, скоро по-
 гїбохъ. ты бо еси богъ мой, отъ
 чрева матере моея. сподоби мя
 господи нынѣ возлюбїти пл.,
 якоже возлюбїхъ иногда мои
 самыи грѣхъ: и паки поработаша
 тебѣ безъ лѣности пощно,
 якоже поработахъ прежде сама-
 нѣ льстївому. Наїпаче же по-
 работаю тебѣ господу и богу
 моему їисусу хрїсту, во вся дни
 жївота моего: нынѣ и прїсно,
 и во вѣки вѣковъ, амѣнь.

М О Л І Т В А 4.

Боже и Господи сїлъ, и вся
 швари содѣтелю, иже за
 мїлосердіе безпрїкладным
 мїлости твоея, едїнороднаго
 сына твоего, Господа нашего
 їисуса хрїста, нїзпославыи на
 спасенїе рода нашего: и чест-
 нымъ его крестомъ, рукопїса-
 нїе грѣхъ нашихъ растерзавыи,
 и побѣдївыи

и побѣдѣвыи тѣмъ начала и власти
 тмы. Самъ владыко чсловѣко-
 любче, прїими и насъ грѣшныхъ,
 благодарственныя тѣя, и молеб-
 ныя молитвы. и избави насъ
 отъ всякаго всегубїтелнаго, и
 мрачнаго прегрѣшенїя, и всѣхъ
 озлобїти насъ ищущїхъ, вїди-
 мыхъ и невидимыхъ врагъ. прїгво-
 зди страху твоему плоти наша,
 и не уклони сердецъ нашїхъ, во
 словеса или помышленїя лука-
 ствїя: но любовїю твоею уязви
 души наша: да къ тебѣ всегда
 взѣрающе, и еже отъ тебе свѣ-
 томъ наставляеми, тебе не-
 прїступнаго и прїсносущнаго
 зряще свѣта, непрестанное
 тебѣ исповѣданїе, и благодар-
 нїе возсылаемъ безначальному
 ошцу, со едїнороднымъ твоїмъ
 сыномъ, и всесвятымъ, и бла-
 гїмъ, и жївотворящїмъ твоїмъ
 духомъ, нынѣ и прїсно, и во
 вѣки вѣковъ, амїнь.

тропарь

ТРОПАРЬ ДНЕ.
 КОНДАКЪ гласъ 8.

Взбранной воеводѣ побѣдител-
 ная, яко избавлшеся отъ злыхъ,
 благодарственная восписуемъ ти
 раби твои богородице: но яко
 имущая державу непобѣдимую,
 отъ всякихъ насъ бѣдъ свободи,
 да зовемъ ти: радуѣся невѣсто
 неневѣстная. Слава, и нынѣ.
 Тебе неборимую спѣну, спасенія
 утвержденіе, богородице дѣво мо-
 лѣмъ: сопротивныхъ совѣты разо-
 рѣ, людей твоихъ печаль на радость
 преложи, градъ твой огради,
 Императору спобори, о мѣрѣ мира
 моли, яко ты еси богородице
 упованіе наше.

Прокіменъ, Апостоль, и Еван-
 геліе дне. а гдѣ за скудоспѣю
 кнѣгъ, нѣсть дневнаго, чѣшати
 настоящее. Ежели воскресный
 день, или какой господскій, или
 значнаго святаго праздникъ, по
 чѣшати блаженны.

Апостолъ къ колоссаемъ,
задало 258.

Братіе: облецытеся убо [якоже избранніи божїи, свящїи, и возлюбленни,] во утробы щедротѣ, благость, смїреномудріе, кротость, и долготерпїніе. Прїемлюще другъ друга, и прощающе себѣ, аще кто на кого имать пореченїе: якоже и хрістосъ простїлъ есть вамъ, тако и вы. Надѣ всѣми же сїмї стяжіте любовь, яже есть союзъ совершенства. И миръ божїи да водворяется въ сердцахъ вашїхъ, вонъже извани бысте во едїномѣ тѣлѣ, и благодарни бывайте. Слово хрістово да вселяется въ васъ богашно, во всякой премудрости, учаще и вразумляюще себе самѣхъ, во псалмѣхъ, и пѣнїихъ, и пѣснехъ духовныхъ, о благодати поюще въ сердцахъ вашїхъ господевѣ.

Евангелїе

Евангеліе отъ марка, начало 37.

Рече господь: иже хочетъ по мнѣ ити, да отвержеться себе, и возметъ крестъ свой и по мнѣ грядетъ. Иже бо аще хочетъ душу свою спасти, погубитъ ю: а иже погубитъ душу свою мене ради и евангеліа, той спасетъ ю. Кая бо польза чловѣку, аще пріобрѣдетъ міръ весь, и опуститъ душу свою; Или что дастъ чловѣкъ за мѣну на души своей: Иже бо аще поспыдитъся мене, и моѣхъ словесъ въ родъ семь прелюбодѣиѣмъ и грѣшнѣмъ, и сынъ чловѣческій поспыдитъся его, сгда прїидетъ во славу отца своего, со ангелы святыми. И глаголаше имъ: амѣнь глаголю вамъ: яко суть нѣцыи отъ здѣ стоящихъ, иже не имутъ вкусити смерти, дондеже вѣдятъ царствіе божіе прїшедшее въ сілѣ. По семъ:

б 2

вѣрую

Вѣрую во єдинаго бога отца
 вседержителя, творца небу
 и земли, вѣдимымъ же всѣмъ
 и невѣдимымъ. И во єдинаго господа
 Іисуса христа, сына божіа, єдино-
 роднаго, иже отъ отца рожден-
 наго прежде всѣхъ вѣкѣ. Свѣта
 отъ свѣта, бога истинна, отъ
 бога истинна, рожденна, не сотво-
 ренна, єдиносущна отцу, имже
 вся быша. Насъ ради чловѣкѣ,
 и нашего ради спасенія, сшедшаго
 съ небесъ, и во плоть вшедшаго отъ
 духа свята, и маріи дѣвы и во чело-
 вѣчаша. распятаго же за ны при
 пинѣи стѣмъ пїлатѣ, іспрадавша
 и погребенна, и воскресшаго въ
 третій день по писаніемъ. И воз-
 шедшаго на небеса, и сѣдѣща одес-
 ную отца. И паки грядущаго со
 славою судити живымъ і мертвымъ
 егоже царствію не будетъ конца.
 И въ духа святаго, господа,
 живоотворящаго, иже отъ отца
 исходящаго, иже со отцемъ
 и сыномъ.

и сыномъ спокланяема, и славѣма,
глаголавшаго пророки. Во едѣну
святую соборную, и апостолскую
церковь. Исповѣдую едѣно креще-
нїе во оставленїе грѣхозъ. Чаю
воскресенїя мертвыхъ. И жїзни
будущаго вѣка, амѣнь.

Аще священникъ, екшенїа
велїкая. и по возгласѣ.

Паки и паки преклонше колѣна
господу помолїмся.

И чтесть молїтву новособранную,
Аще же нѣсть священника,
чтесть иныи кто, такожде
колѣна прїклонївъ,

Боже велїкїи и вѣчныи, святїи,
едѣне непобѣдїмыи. сотво-
рївыи небо и землю и море,
и вся созданная на нїхъ, прежде
еже просїти всѣмъ прошенїя
подавая. сподобївыи насъ вѣчасъ
сеи стати предъ непрїступною
твоєю

твою славою, на пѣніе и хвалу
 твояхъ. тебѣ молимся, и
 тебе просимъ: Владыко человеко-
 любче, отца господи и бога и спаса
 нашего іисуса христа, насъ ради
 человековъ, и нашего ради спасе-
 нія, сшедшаго съ небесъ, и вопло-
 тившагося отъ духа святаго,
 и маріи пріснѣдѣвы и преславныя
 богородицы. иже первѣе словеса
 уча, послѣди же и дѣлы показуя,
 егда спасительную страсть пре-
 терпѣ, одесную тебе бога и отца
 сѣде, подаде намъ грѣшнымъ и не-
 достоимъ рабомъ твоимъ молбы
 пріносити тебѣ. Самъ многомло-
 снѣе и человеколюбче, очисти ны
 недостойныя рабы твоя, и подаждь
 благодать, еже сокрушеннымъ сер-
 дцемъ невозносительно пріносити
 тебѣ прісвятое славословіе и бла-
 годареніе великихъ твоихъ даровъ,
 яже сотворилъ еси [къ намъ]. и
 творѣши всегда намъ. Еи вла-
 дыко человеколюбче, аще что
 и согрѣ-

и согрѣшихомъ, милостивъ намъ
 буди. зане ни еди́нь чѣстѣ есть
 предъ тобою, аще и еди́нь день
 живота его есть, развѣ ты почѣю
 еди́нь. Самъ убо владыко боже
 спасѣтелю нашъ, надежде всѣхъ
 концевъ земли, и сущѣхъ въ мори
 далече: прѣими моленіе наше, со-
 храни насъ отъ всякѣхъ бѣдъ и
 истопленій, и даждь къ плаванію
 благопошребныя вѣтры. рече бо
 еди́нородныи твои сынъ, господь
 нашъ ѿисусъ хрѣстосъ: яко е́лико
 аще кто просѣтъ о его имени, не-
 возбранно прѣемлетъ отъ тебе
 прѣсносущнаго бога ѿ отца. тѣмъ же
 дерзающе на неложное его обѣща-
 ніе молимъ, спомоществуй намъ
 званіе наше непорочно и непо-
 стыдно предъ тобою совершѣти.
 препояшѣ насъ сілою своею свыше,
 даждь сердце мужественно про-
 тиву враговъ нашихъ. да и мы со
 пророкомъ давидомъ благословяще
 тя, рцемъ: благословенъ господь

богъ нашъ, научали руцѣ наши на
 ополченіе, и персты наша набранъ.
 Ты убо господи боже, небесныи
 отче вседержителю и промысли-
 телю овсѣхъ, къ тебѣ прѣвержени
 есмы отъ чрева матере нашея.
 сего ради дерзающе на щедроты
 твоя, зовемъ грѣховъ юности и
 невѣденія нашего не помяни, и
 отъ тайныхъ нашихъ очисти насъ,
 и не отрѣни насъ во время старо-
 сти, внигда оскудѣвати крѣпости
 нашей. всѣхъ насъ собери во твое
 царство. конецъ благѣи и мѣрныи
 даруѣ намъ, ѿ всѣмъ людемъ твоимъ
 да возможемъ кѣиждо со святымъ
 павломъ рещи; Подѣйгомъ добрымъ
 подвѣзахся, шеченіе скончахъ, вѣру
 соблюдохъ, прочее соблюдается
 ми вѣнѣцъ правды, егоже воздастъ
 господь въ день онъ праведныи
 судѣа. егоже буди и намъ всѣмъ
 получѣти. благодатію и челоѣко-
 любіемъ едѣнороднаго твоего
 сына, съ нѣмъ же благословенъ еси,

со пресвятымъ и благѣмъ и единосущнымъ твоѣмъ духомъ, нынѣ и прѣсно, и во вѣки вѣковъ, амѣнь. Повостанїи же глаголетъ священникъ, или чтецъ.

И сподоби насъ владыко со держановенїемъ, неосужденно смѣши нарицати тебе небеснаго бога, отца, и глаголати.

И абїе вси предстоящїи вселгласно и неспѣшно со умїленїемъ глаголютъ. Отче нашъ.

Богородїце дѣво радуися:
Пѣнїемъ, или чтенїемъ.

Вся ангеловъ воїнства, предстѣте господень, апостоловъ двенадесятице святїи вси съ богородїцею, сотворїте молїтву, во еже спастїся намъ. Также:
Достоїно есть:

И отпусть.

Печатано въ САНКТПЕТЕРЪ-
бургѣ, 1727, Августа
въ 18 день.